

ՀԱՍՏԱՏՈՒՄ ԵՄ

«ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՐԱՅԻ և ՍՊՈՐՏԻ
ՊԵՏԱԿԱՆ ԻՆՍՏԻՏՈՒՏ» ՀԻՄՆԱԴՐԱՄԻ ԳԻՏԽՈՐՀՐԴԻ ՆԱԽԱԳԱՀ՝



ՈՒԿՏՈՒ

Վ.Բ.ԱՌԱՔԵԼՅԱՆ

«30» 01 2019թ.

ՀՀ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐՈՒԹՅՈՒՆ

«ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ»

ՀԻՄՆԱԴՐԱՄ



ՄԱՍՆԱԳԻՏԱԿԱՆ ԿՐԹԱԿԱՆ ԾՐԱԳՐԵՐԻ ՀԱՄԵՄԱՏԱԿԱՆ ՎԵՐԼՈՒԾՈՒԹՅԱՆ
(ԲԵՆՉՄԱՐԿԻՆԳԻ) ՔԱՂԱՔԱԿԱՆՈՒԹՅՈՒՆ ԵՎ ԸՆԹԱՅԱԿԱՐԳ

ՆԵՐԱԾՈՒԹՅՈՒՆ

Հայաստանի ֆիզիկական կուլտուրայի և սպորտի պետական ինստիտուտի (ՀՖԿՍՊԻ) գործունեության ռազմավարության գերակա ուղղություններից են նրա մրցակցային կարողությունների զարգացումը և կրթության որակի ապահովումը: Այս կապակցությամբ կարևոր նշանակություն է ստանում ՀՖԿՍՊԻ-ի կառավարման ու ուսումնական գործընթացում ժամանակակից տեխնոլոգիաների ներդրումը և կրթության որակի գնահատումը: Վերջին տարիներին միջազգային պրակտիկայում լայն տարածում է ստացել կրթության որակի գնահատման նոր գործիքը՝ բենչմարկինգը, ինչը նշանակում է տարբեր բուհերի առաջավոր փորձի համեմատական վերլուծություն՝ լավագույն ռազմավարությունների և բուհի մրցունակության բարձրացման նպատակով:

ՀՀ բարձրագույն կրթության ոլորտում ստեղծված է այնպիսի իրավիճակ և պայմաններ, որոնցում բուհերը պետք է կարողանան արագ արձագանքել համաշխարհային փոփոխություններին՝ պահպանելով գիտահետազոտության, դասավանդման, ուսուցանման և տրամադրվող կրթական ծառայությունների որակը: Նման իրավիճակը ստեղծում է նաև որոշակի անորոշություն ռազմավարական որոշումների կայացման և դրանց արդյունավետության գնահատման հարցում: Նման իրավիճակներում անհրաժեշտ է իրականացնել տարածաշրջանի և միջազգային բուհերի համապատասխան մասնագիտությունների կրթական ծրագրերի համեմատություն (բենչմարկինգ):

Բենչմարկինգը բարձրագույն կրթության ոլորտում ենթադրում է կրթական ծրագրերի համեմատական վերլուծություն՝ կրթական ծառայությունների ներքին և արտաքին շուկաներում բուհի ներդրումային գրավչությունը բարձրացնելու նպատակով:

Ինստիտուտի բենչմարկինգի (համեմատական վերլուծության) իրագործումը հնարավորություն է տալիս գնահատելու կայացված որոշումների, ընտրված ռազմավարական ուղիների արդյունավետությունը և նպատակահարմարությունը, ինչպես նաև ապահովել ինստիտուտի շարունակական բարելավումը: ՀՀ բարձրագույն մասնագիտական կրթության ժամանակակից համակարգն ունի անհրաժեշտ և բավարար պայմաններ բենչմարկինգային նախագծերի իրականացման համար: Դրանցից են Բոլոնյան պահանջներին և եվրոպական ընդհանուր կրթական տարածքում ներգրավվելու համահունչ կրթության համակարգերի ակտիվ գործընթացները, համատեղ նախագծերի իրականացումը, բուհերի կողմնորոշումը արտաքին և ներքին սպառողների պահանջներին, որակի կառավարման համակարգերի ներդրումը և զարգացումը, բուհերի և կրթական ծրագրերի պետական հավատարմագրումը, մասնագիտական կրթության փոխազդեցությունը աշխատանքի շուկայի և սոցիալական գործընկերների հետ: ՀՖԿՍՊԻ-ն ակտիվորեն ներգրավված է նշված գործընթացներում: Վերջին տարիներին ինստիտուտը հաջողությամբ համագործակցում է հանրապետական և այլ երկրներին հետ միջազգային և հանրապետական նախագծերի մշակման ուղղությամբ, հետևաբար, ստեղծված են բավարար նախադրյալներ արդյունավետ բենչմարկինգի և փորձի փոխանակման համար:

ՀՖԿՍՊԻ-ն մրցունակության ապահովման նպատակով կրթական ծառայությունների շուկայում իրականացնում է բարձր վարկանիշ ունեցող բուհերի գործունեության մշտական ուսումնասիրություն և փորձի վերլուծություն:

Սույն փաստաթուղթը նկարագրում է ՀՖԿՍՊԻ-ի բենչմարկինգի (համեմատական վերլուծության) քաղաքականությունը և ընթացակարգը: Այն մշակվել է առաջնորդվելով ՀՀ բարձրագույն և հետբուհական կրթության օրենքով, ՀՖԿՍՊԻ-ի կանոնադրությամբ և զարգացման ռազմավարությամբ, որակի ապահովման եվրոպական չափանիշներով և չափորոշիչներով, ինչպես նաև միջազգային առաջավոր փորձի ուսումնասիրության արդյունքում:

1. ԲԵՆՉՄԱՐԿԻՆԳ

1.1 Բենչմարկինգի քաղաքականության նպատակը

ՀՖԿՍՊԻ-ի քաղաքականության նպատակն է խրախուսել ինստիտուտում որակյալ կրթությունը, բարելավել կատարողականի ցուցանիշները և ներդնել որակի ապահովման համապատասխան մեխանիզմներ՝ ազգային և միջազգային փորձերի ուսումնասիրության և համեմատության, լավագույն փորձի բացահայտման միջոցով: Քաղաքականությունն ու ընթացակարգը միտված են ապահովելու համակարգված և միասնական մոտեցում ՀՖԿՍՊԻ-ի բենչմարկինգի քաղաքականությանը և որակի ապահովմանը:

1.2 Բենչմարկինգի էությունը

ՀՖԿՍՊԻ-ի քաղաքականության և սույն ընթացակարգի շրջանակներում բենչմարկինգը նշանակում է ներքին կազմակերպական գործընթաց, որի նպատակն է բարելավել հաստատության որակը՝ ներդնելով այլ հաստատություններում բարձր արդյունավետություն ունեցող գործընթացներ, որոնք կարող են նպաստել ՀՖԿՍՊԻ-ի առաջնային կամ երկրորդական գործընթացների բարելավմանը:

Բենչմարկինգի գործնական կիրառությունը անհրաժեշտ է անցկացնել համաձայն հետևյալ հաջորդական գործողությունների.

1. Սեփական գործունեության ինքնավերլուծություն, ուժեղ և թույլ կողմերի բացահայտում բուհի ուսումնական, մեթոդական, գիտական, կազմակերպչական գործունեության կառավարման բնագավառում:
2. Այլ բուհերի գործունեության վերլուծություն, լավագույն գործառույթներ ունեցող բուհերի որոնում:
3. Վերլուծության արդյունքների համեմատում, գործընկերների և մրցակիցների գերակայության առանցքային գործոնների բացահայտում:
4. Բուհի աշխատակիցների մոտիվացիոն մեխանիզմների ստեղծում՝ կրթական ծառայությունների որակի ապահովման ներքին համակարգի կատարելագործման համար:
5. Անհրաժեշտ փոփոխությունների ներմուծում արդյունքների հավասարեցման համար (բացթողումների վերացում):
6. Դրական ձեռքբերումների մոնիթորինգ (մշտադիտարկում):

Բենչմարկինգի հիմնական ձևերը կարելի է դասել հետևյալ խմբերից որևէ մեկին.

- ✓ **Ներքին բենչմարկինգ՝** բուհի ենթաբաժինների գործունեության համադրություն, առաջավոր փորձի բացահայտում և տարածում,
- ✓ **Մրցակցային բենչմարկինգ՝** սեփական և մրցակցային բուհի առանցքային ցուցանիշների վերլուծություն, փորձի ընդօրինակում,
- ✓ **Ֆունկցիոնալ բենչմարկինգ՝** էտալոնային համեմատում տվյալ ասպարեզում առաջատար համարվող բուհի հետ՝ լավագույն ռազմավարության և նույնանման արդյունքների հասնելու նպատակով,
- ✓ **Ընդհանուր Բենչմարկինգ՝** բուհի համեմատություն այլ ոլորտում աշխատող ձեռնարկությունների հետ:

Կրթության ոլորտում նպատակահարմար է օգտագործել Ռ.Կոմպի կողմից մշակված և միջազգային պրակտիկայում արդեն իսկ փորձարկված բենչմարկինգի անցկացման 10-փուլանոց ալգորիթմ.

1. Բենչմարկինգի առարկայի որոշում:
2. Բենչմարկինգի գործընկերոջ որոշում:
3. Տեղեկատվության հավաքագրման օպտիմալ եղանակի որոշում:
4. Մրցունակության ապահովման տեսակետից ցուցանիշների նմանության և տարբերությունների որոշում:
5. Արդյունավետության հնարավոր ցուցանիշների պլանավորում:
6. Տեղեկատվության ապահովում բոլոր շահագրգիռ կողմերին բենչմարկինգի արդյունքների մասին, նրանց ներգրավումը բենչմարկինգի անցկացման գործընթացում:
7. Բուհի գործունեության արդյունավետության ավելացման կոնկրետ նպատակների և խնդիրների մշակում:
8. Նպատակներին հասնելու և խնդիրների լուծմանն ուղղված կոնկրետ գործողությունների կատարման ռազմավարության մշակում:
9. Պլանավորած միջոցառումների անցկացում և արդյունքների ամրագրում և ամփոփում:
10. Բենչմարկինգի անցկացման ընթացքում ստուգման ենթակա կետերի մոնիթորինգ:

Առաջին փուլում որոշվում է այն, թե որքանով է բուհը փոփոխությունների անհրաժեշտություն զգում, հստակեցվում են որակի ներքին ապահովման համակարգի քաղաքականությունը, տեսլականը և նպատակները: Դրանից հետո որոշվում են չափանիշները (ինդիկատորները), անցկացվում է որակի կառավարման համակարգի արդյունավետության գնահատում: Ճշտվում են բենչմարկինգի գործընթացի օբյեկտները: Վերլուծվում են սեփական բուհի ուժեղ և թույլ կողմերը (SWOT-վերլուծություն):

Հավաքագրվում է բենչմարկինգի գործընկերներին վերաբերող տեղեկատվություն: Ամբողջ հավաքված տեղեկատվությունը փաստագրվում է: Որոշվում են համեմատվող օբյեկտների նմանությունները և տարբերությունները, կատարվում է ցուցանիշների վերլուծություն, որի արդյունքների հիման վրա ձևակերպվում են նոր խնդիրներ: Ամփոփիչ

փուլում կատարվում է բենչմարկինգի արդյունքների ադապտացում և բուհի զարգացման ռազմավարական ծրագրում փոփոխությունների կատարում:

Բենչմարկինգի իրականացումը թույլ է տալիս.

- ✚ համաձայնեցնել ինստիտուտի բոլոր կառուցվածքային ստորաբաժանումների նպատակները միասնական գերնպատակի հետ,
- ✚ կատարելագործել տեղեկատվության ձեռքբերման գործընթացները՝ շուկայի պահանջների, սոցիալական պատվերի փոփոխությանը արագ արձագանքելու նպատակով,
- ✚ խթանել նախաձեռնությունների աճը և դրանց կառավարման հնարավորությունը,
- ✚ չափել ձեռքբերումները արտաքին չափորոշիչների կիրառմամբ, էտալոնային գնահատականների միջոցով,
- ✚ իրականացնել կառուցվածքային ստորաբաժանումների ինքնավերլուծություն և օգտագործել ստացած արդյունքները ներքին և արտաքին բենչմարկինգի անցկացման համար:

1.3 Բենչմարկինգի կիրառման շրջանակը

Սույն ընթացակարգը կիրառելի է ՀՖԿՍՊԻ-ի կառուցվածքային ստորաբաժանումների կողմից: Սույն ընթացակարգը նկարագրում է բենչմարկինգի հիմնական գործընթացի կազմակերպական հիմունքները:

1.4 Բենչմարկինգի կիրառման սկզբունքները

ՀՖԿՍՊԻ-ի կառուցվածքային ստորաբաժանումների կողմից իրականացվող բենչմարկինգի ծրագրերը պետք է.

- ✚ բխեն ՀՖԿՍՊԻ-ի ռազմավարական խնդիրներից և ուղղություններից,
- ✚ բենչմարկինգի արդյունքների հիման վրա բարելավել բոլոր գործընթացները,
- ✚ լինեն արդյունավետ, նպաստեն կրթական գործընթացների համադրելիությանը համապատասխան ոլորտի ընդհանրական քաղաքականությանը,
- ✚ նպաստեն բարելավմանն ուղղված այլընտրանքային միջոցառումների իրականացմանը,
- ✚ տեղեկատվության փոխանակման ընթացքում պահպանեն գաղտնիությունը, այն կիրառել միայն բենչմարկինգի նպատակներին համապատասխան,
- ✚ բենչմարկինգի ընթացքում մշակված տեղեկատվության նկատմամբ հեղինակային իրավունքները պետք է քննարկվեն և գրանցվեն համապատասխան գործընկերների կողմից:

2. ԲԵՆՉՄԱՐԿԻՆԳԻ ԳՈՐԾԸՆԹԱՑԻ ԿԱՌԱՎԱՐՈՒՄԸ

2.1.Բենչմարկինգի նպատակով համագործակցող հաստատությունների ընտրություն

- ✚ Անհրաժեշտ է ընտրել համապատասխան գործընկերներ, որը գործընթացի հաջողության կարևորագույն նախապայմաններից է:
- ✚ Համագործակից բուհը պետք է ունենա համադրելի առաքելություն, ռազմավարական նպատակներ և խնդիրներ:

- ✚ Ունենա համադրելի ուսանողների և դասախոսների, ինչպես նաև համապատասխան ռեսուրսների քանակ:
- ✚ Ունենա տեղեկատվության փոխանակման ցանկություն:
- ✚ Ցուցաբերի բենչմարկինգի թիրախային ոլորտում լուրջ առաջխաղացում:
- ✚ Ունենա որակի ապահովման համապատասխան մեխանիզմներ և որակի բարելավմանը միտված քաղաքականություն:
- ✚ Ունենա միջազգային մակարդակում որոշակի գործունեություն՝ միտված կրթական գործընթացների բարելավմանը և առաջավոր փորձի ներդրմանը:

2.2. Բենչմարկինգի գործընթացը

- Բենչմարկինգի գործընթացի նախաշեմին այն իրականացնող ստորաբաժանումը պետք է իր աշխատանքները համակարգող պրոռեկտորին ներկայացնի մանրամասն տեղեկատվություն իրականացվող բենչմարկինգի (առարկայի, գործընթացի նպատակի, խնդիրների) մասին, հիմնավորի դրանց համապատասխանեցումը ՀՖԿՍՊԻ-ի ռազմավարական խնդիրների հետ, ինչպես նաև համագործակիցների շրջանակը:
- Բենչմարկինգի գործընթացի իրականացման համար ֆինանսական ռեսուրսների անհրաժեշտության պարագայում, այն նախապես համաձայնեցվում է ՀՖԿՍՊԻ-ի ռեկտորի հետ: Այդ պայմաններում, նախապես, վերոնշյալ փաստարկների հետ մեկտեղ կազմվում է նախահաշիվ և ներկայացվում ռեկտորի հաստատմանը:
- Համապատասխան համակարգող պրոռեկտորի միջոցով վերոնշյալ փաթեթը փոխանցվում է որակի ապահովման բաժին՝ ՀՖԿՍՊԻ-ի ռազմավարական, զարգացման և որակի ապահովման խնդիրների հետ համապատասխանության վերաբերյալ կարծիք ստանալու նպատակով:
- ՈԱԲ-ի կողմից բացասական կարծիք ներկայացնելու դեպքում, այն պետք է ամբողջությամբ հիմնավորված լինի: Անհրաժեշտության դեպքում կազմակերպվում են հանդիպումներ՝ բենչմարկինգի գործընթացը նախաձեռնած ստորաբաժանման ներկայացուցիչների հետ:
- Դրական կարծիքի հիման վրա, համապատասխան պրոռեկտորի կողմից գրավոր համաձայնություն ստանալուց հետո, անհրաժեշտ է համագործակից հաստատության/հաստատությունների հետ կնքել Հուշագիր՝ բենչմարկինգի առարկայի/առարկաների, փոխանակվող տեղեկատվության շրջանակի, յուրաքանչյուր հաստատության ներկայացուցիչների իրավասությունների վերաբերյալ:
- Բենչմարկինգի գործընթացը պետք է արձանագրվի ՀՖԿՍՊԻ-ի ՈԱԲ-ի կողմից:
- Տեղեկատվության համադրության և համեմատության հիման վրա կազմվում է արձանագրություն և հաշվետվություն՝ բենչմարկինգի արդյունքների և ստացված տվյալների վերաբերյալ:
- Հաշվետվությունը ներկայացվում է համապատասխան մեթոդական խորհրդի/կամ համակարգող պրոռեկտորի քննարկմանը և հաստատմանը:
- Հաշվետվությունը պարտադիր ներկայացվում է նաև ՈԱ բաժին:

- Բենչմարկինգի արդյունքում կազմվում է միջոցառումների ծրագիր՝ միտված ուսումնասիրվող ոլորտի բարելավմանը և նոր գործընթացների ներդրմանը:
- Յուրաքանչյուր տարվա ավարտին համապատասխան ստորաբաժանման ղեկավարը իր ստորաբաժանման տարեկան զեկույցում ներկայացնում է բենչմարկինգի արդյունքների և նախանշված ծրագրերի վերաբերյալ հակիրճ հաշվետվություն: